

奏

檔

上 戊寅

長蘆鹽政任內

25-

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE

SEP 15 1933

T 4652.8 / 2220



黃面黃裡

請

皇上聖躬萬安

哈佛大學漢和  
圖書館珍藏印

天津漕御史 牙 稽額長盧瑄 牙 萬年天津鎮總兵 牙 李東山 跪

嘉慶二十三年三月初四日巡漕御史和

差

額設外委趙榮貴賚赴

南苑圍河

行宮於初六日恭遞初八日賚回奉到

硃批朕安欽此

白摺

奏為時雨優霑恭摺

奏報仰祈

聖鑒事竊照天津地方入春以來晴霽日久節氣已逾清明正盼膏澤茲於三月初三日巳時起濃雲四合甘雨霑灑疎密相間至申時止又自亥

天津巡漕御史 李 稽額長蘆鹽課 李 萬年天津鎮總兵 李 李東山跪

時起至初四日辰時止入土四寸據署天津縣  
知縣賈懋功具報差查四鄉一律均被現當麥  
苗長發青蔥播種大田之際得此時雨滋培土  
脈深霑河流增暢農民運艘兩相歡慶洵足仰  
慰

聖懷理合恭摺會銜

奏報伏乞

皇上睿鑒謹

奏

等因於嘉慶二十三年三月初四日巡漕御史  
和 差額設外委趙榮貴賚赴

南苑團河

行宮於初六日恭遞初八日賚回奉到

硃批欣慰覽之欽此

黃面黃裡

請

皇上聖躬萬安

努高年跪

嘉慶二十三年三月初五日差家人吉靈阿賚

赴黃新庄

行宮於初八日恭遞初九日賚回奉到

硃批朕安欽此

白摺

奏為遵

旨確查具

奏仰祈

聖鑒事竊於二月二十九日承准兵部火票遞到

軍機大臣傳諭內開嘉慶二十三年二月二十

努嵩年跪

八日奉

上諭據御史吳杰奏訪聞天津公口岸地方有奸商楊紹聞四門開設鹽店專賣江西湖廣回空糧船之鹽每年不下十餘萬引而江廣各船復於沿途故為停泊名為買辦棗梨寔則等候津鹽裝載等語奸商開設鹽店暗賣私鹽大為官引之害著嵩年即確查天津商人楊紹聞有無販賣私鹽之事如查明屬寔即將該奸商拏獲到案嚴行審訊歷年共賣過私鹽若干按律定擬具奏並於江廣各船停泊處所派員嚴密訪察如有等候裝載津鹽者起獲鹽包立將該船旗丁等提訊究明賣鹽之人嚴行懲辦本年春圍已降旨不令嵩年前來行

在接駕該鹽政即在津將此事秉公查辦毋稍徇  
縱將此傳諭知之欽此欽遵傳諭到 粵伏查糧船  
回空夾帶私鹽屢次欽奉

上諭飭禁天津為產鹽之區向有棍徒勾串丁舵水  
手人等轉販私鹽自嘉慶十五年酌定章程每  
年糧船回空於向例派員在於家堡楊柳青磚

河等處搜查外復另派委員在於沿河一帶嚴  
密訪拏囤戶巡緝私販並示諭天津商店止准  
零賣不許躉發所以杜糧船夾帶私鹽之弊也  
今御史訪聞天津公口岸商人楊紹聞有專賣  
江西湖廣回空糧船鹽斤之事奉

旨確查 粵受



恩深重斷不敢稍存徇縱查天津郡城四門鹽店係  
自乾隆十八年奏明開設實係官店並非該商  
私設且均在郡城之內以便稽查運鹽入城必  
須引護而天津縣額引止七百道居民不下數  
萬戶不敷銷售例准請領餘引而所請餘引數  
目係於嘉慶十六年九月經戶部酌定章程每  
年不得過四萬道之數現在天津公口岸商人  
楊復泰即楊紹聞自嘉慶十五年據通網商人  
公同稟保該商熟諳汛務咨部更名承辦五年  
限滿後復據通網公保咨部展辦五年各在案  
該商接辦以來頗能整頓汛巡屢次緝獲私鹽  
奏明有案該商有無販賣私鹽之事等密飭長蘆

運司陳文駿查明該商自十六年起至二十二  
年止每年俱遵照部定章程於額引之外請領  
餘引四萬道並未多領一引等語又飭據天津  
分司運同彭良敞查報該商每年按引配鹽掣  
放過關運進城店銷售並無多運鹽斤等情拏  
復又飭委候補運判宓惟欽沈蓮生會同署天  
津縣知縣賈懋功親赴四門鹽店調查底帳所  
賣鹽斤均在應領引數之內並據該縣稟稱楊  
復泰四門鹽店並無售賣私鹽節次拏獲各案  
鹽犯所販私鹽訊明均係零星積買並偷扒灘  
鹽等情各出具印結前來拏明查暗訪現在實  
無該商販賣私鹽確據似未便遽加審訊容再

細加察訪一經得實立即將該商拏獲到案嚴  
行審訊賣過私鹽數目按律定擬具

奏至江廣各幫回空過津地方文武員弁催儻向  
不令其片刻停留嗣後惟當嚴密巡察如有等  
候裝鹽者立時拽起鹽斤將該船買私之旗丁  
提訊究出賣鹽之人嚴行懲辦均不敢稍有徇

縱再本月初三日恭逢

聖駕啟鑾<sub>躬</sub>尊

旨不赴

行在接

駕合併聲明所有遵

旨確查情形理合恭摺具

奏伏乞

皇上睿鑒謹

奏

等因於嘉慶二十三年三月初五日差家人吉

靈阿賚赴黃新庄

行宮於初八日恭遞初九日賚回奉到

硃批另有旨欽此

嘉慶二十三年三月初八日奉

上諭據嵩年奏查明天津四門鹽店實係官店公口岸商人楊復泰即楊紹聞係通網商人公同稟保承辦五年限滿後復據通網公保咨部展辦五年

該商頗能整頓汛巡屢獲私鹽並查明該商每年  
按引配鹽並無多運鹽斤所開四門鹽店亦無售  
賣私鹽確據容再細加察訪等語楊紹聞係嵩年  
所轄商人該商承辦公口岸年滿又經嵩年咨部  
保令接充嵩年不可意存迴護如該商假公濟私  
以官店為名暗中販賣私鹽一經訪出該鹽政即  
據寔具奏一面將該商拏獲到案嚴行審訊究明  
賣過私鹽數目按律治罪倘嵩年有心徇庇不認  
真確查將來別經發覺恐嵩年不能當此重咎若  
查明實無其事則御史此奏自何而來該鹽政再  
密行察訪或係與楊紹聞素有嫌隙之人或係蘆  
商中有希冀接充楊紹聞商總之缺者造作此語

愆憲御史吳杰具奏以便將楊紹聞革退從中取  
利查有確據亦即據實奏聞將此傳諭知之欽此

白摺

奏為欽奉

諭旨恭摺覆

奏仰祈

聖鑒事竊奴才於二月初九日接准督臣方受疇移開

嘉慶二十三年二月初五日內閣奉

奴才  
嵩年跪

上諭方受疇奏請修築海口疊道并挑挖新城河渠  
一摺天津新城至海口一帶疊道年久坍塌廢其城  
外洩水河渠現亦淤塞既據勘明亟須修濬著派  
嵩年督率各委員妥速興辦本年三月朕恭謁  
西陵該鹽政不必前來隨扈即在天津認真督修毋許  
稍有草率浮冒所需工料銀一萬八千八十兩零

准其於長蘆運庫鹽勛加價項下動支事竣核實  
報銷欵此恭錄知會並准函開飭委清河道彭應  
杰一手經理等情前來等語隨即咨取原估細冊  
以憑查照旋據清河道彭應杰函開此項工程  
前已辦有大概今札委天津府同知俞英世保  
定府通判彭大儼隨同妥辦等語等語當即帶同

俞英世彭大儼親赴新城先行履勘河渠均已  
挑挖橋座亦經建造又自新城前至海口草豆  
沽等處疊道業已修墊均與該道來札相符  
伏查前項工程既經該道彭應杰已將大局辦  
理整齊此時止須查照原估覆加驗勘如稍有  
不符之處飭令趕緊核什務與原估相符不許

硃批

草率浮冒用昭慎重所有查勘情形理合先  
行恭摺具

奏伏乞

皇上睿鑒

訓示祇遵謹

奏



隨前摺奉到

硃批知道了欽此

黃圖黃裡

請

皇上聖躬萬安

努嵩年跪

嘉慶二十三年三月初十日差家人吉靈阿骨

赴半壁店

行宮於十三日恭遞十五日賚回奉到

硃批朕安欽此

白摺

奏為審訊定擬恭摺具

奏仰祈

祭  
嵩年跪

聖鑒事竊祭於本年初九日准步軍統領衙門  
咨開據候補郎中查有圻抱呈家人臧興帶同  
天津縣鹽坨商夥費世壇之妻費李氏呈訴費

世壇身死不明求為伸冤等情一案奏奉

諭旨此案著交嵩年就近提集人證委員檢驗東公

審訊定擬具奏費李氏李其祥郭文藻該部照例

解往備質欽此並將費李氏李其祥郭文藻三名

口遞解前來郭文藻行至中途脫逃拏一面咨

行緝拏一面提齊人證卷宗委員審訊經天津

分司運同彭良敞究出唆訟之山東陽信縣生

員勞世增即勞式廓隨即密拏到案連日督同

長蘆運司陳文駿運同彭良敞天津府同知俞

英世隔別研訊緣費李氏之夫費世壇原籍山

東海豐縣向在查有圻天津鹽店經營打做麻

繩每歲脩銀及伙食錢文向店夥杜華翰支取

歷久相安嘉慶十九年間費李氏因費世壇遠  
在天津同叔李其祥搬至天津賃房居住距鹽  
坨不遠嘉慶二十二年四月初六日時值捆鹽  
費世壇在家食晚飯後回坨房住宿至初七日  
早該店工人李小太陳小喜見費世壇關門未  
啟喊叫不應即赴伊家告知費李氏同叔李其  
祥趕至坨房撬門進內見費世壇在炕蓋被合  
面躺臥業已身死同店之魏毓奇劉福來吳士  
興任乃濬郭雲楓聞信往看因費李氏在房旋  
各退出維時徐魁安卧病在家未往魏毓奇等  
知費世壇身後無錢即與劉福來等幫湊錢文  
交李其祥置買衣棺轉雇劉玉貴魯所占盛殮

而散迨後該氏因度日無資即同伊叔李其祥  
至杜華翰家內欲將費世壇在日所管事務交  
給李其祥管理杜華翰答俟查有所來津商辦  
該氏候信日久度日愈艱搬柩之費向杜華翰  
借貸未允心生焦急七月間該氏之表兄山東  
陽信縣生員勞世增姨甥直隸益山縣生員郭  
文藻先後到津探望見費李氏全無主意勞世  
增教令告狀郭文藻即砌捏情節代作呈詞令  
李其祥抱告未允郭文藻遂出名抱告於二十  
二年八月初十日赴天津縣投遞經前署縣事  
周蓮因無証據批駁勞世增又同該氏前赴查  
有圻店內懇求衆同事幫助勞世增代立承情

字據魏毓奇等湊送奠分京錢三十二千文各  
具名帖交費李氏收用因錢少不能回籍十月  
間郭文藻與勞世增商量控告郭文藻復代作  
呈詞將出帖送分之人列做干証呈底與勞世  
增商酌勞世增以必得添砌開棺檢驗如有妄  
控心甘治罪等語始能批准逼令李其祥抱告  
赴天津府呈控批縣審辦經署天津縣知縣賈  
懋功傳集人証屢次審訊該氏供明費世壇實  
係暴病身死具結完案該縣因費李氏扶柩回  
籍無資勸諭杜華翰幫助京錢一百千文以為  
盤費而勞世增復同費李氏赴杜華翰家央求  
共幫湊京錢一百五十千文呈縣給領勞世增

取用京錢二十五千文費李氏因盤費不敷難  
以起身同李其祥進京欲求查有圻幫助郭文  
藻代寫信稿一紙令李其祥謄寫送至查有圻  
寓內經查有圻粘連原信遣家人赴步軍統領  
衙門具呈奏奉

諭旨交努審訊遵將費李氏李其祥提同現到人證

逐一研訊究出唆訟之勞世增密拏到案詳細

研鞫據供前情不諱費李氏堅稱伊夫寔是暴

病身死口鼻並沒血跡身上亦無紫黑不敢具

結開檢從前所控情節都是勞世增郭文藻教

唆等語努復恐徐魁安寔有挾嫌毒斃費世壇

及杜華翰知情許給該氏養贍情事復又層層

究詰歷供如繪案無遁飾查例載教唆詞訟誣  
告人之案如原告之人並未起意誣告係教唆  
之人起意主令者以主唆之人為首又誣告人  
死罪未決者杖一百流三千里加徒役三年各  
等語此案費李氏呈控徐魁安挾嫌毒斃費世  
壇之處如果屬實徐魁安律應擬抵今審係子  
虛自應按律坐誣惟費李氏因費世壇故後窮  
苦難度樞歸乏費心生焦灼並無起意欲告之  
心勞世增乘其焦愁之際始則唆使控告迨郭  
文藻代為呈詞復又囑令增添重情逼令李其  
祥抱告投遞自應按律問擬勞世增即勞式廓  
除取用費李氏盤費錢文輕罪不議外合依教



唆詞訟誣告人之案係教唆之人起意主令者  
以主唆之人為首誣告人死罪未決例應杖一  
百流三千里加徒役三年至配所折責安置所  
有衣頂移咨山東巡撫飭取入學年分斥革得  
過京錢二十五千文在於該犯名下追出給費  
李氏收領費李氏僅因孤苦無資心生焦急並  
未起意控告且到案即將費世壇寶係暴病身  
死供明其聽從主唆係屬婦女無知應免置議  
李其祥出名控告赴府遞呈訊係勞世壇增郭文  
藻逼令所致究有不合應照不應重律杖八十  
折責三十板徐魁安訊無挾嫌毒斃費世壇情  
事杜華翰亦無許給費李氏養贍均無庸置議

餘屬無干概無庸議生員郭文藻先行移會直  
隸總督轉咨斥草衣頂劄緝獲日另結費世壇  
屍棺飭令費李氏搬回原籍埋葬除將全案供  
招咨送刑部外理合將審擬緣由恭摺具

奏伏乞

皇上睿鑒

勅部議覆施行謹

奏

等因於嘉慶二十三年三月初十日差家人吉

靈阿賚赴半壁店

行宮於十三日恭遞十五日賚回奉到

硃批刑部議奏欽此

黃面黃裡

請

皇上聖躬萬安

努嵩年跪

嘉慶二十三年三月二十日差家人吉靈阿賚  
赴

圓明園於二十二日恭遞二十四日賚回奉到  
硃批朕安欽此

白摺

奏為遵

努嵩年跪

旨緝獲各犯訊取大概供情解交刑部恭摺覆

奏事竊 努於本月初八日承准兵部火票遞到軍

機大臣傳諭內開嘉慶二十三年三月初七日

奉

上諭英和等奏訪得馬駒橋蘭八客店內常有奸商  
存放米石赴天津一帶拉運當經弁役等將蘭八  
並販米之苗二等拏獲審訊苗二籍隸天津縣同  
兄苗興於上年十一月起在左安門內永興等糧  
店陸續買自來細白老米細白稜米雇王黑子等  
驢馱送存蘭八店內運赴天津縣河沿賣給利恒

大斗局沈姓約計前後所販之米在一千石上下  
本年二月十八日苗二苗興雇果興等車輛買米  
寄存蘭八店內苗二等被獲苗興當即逃逸並據  
蘭八供出天津縣民柴殿魁武清縣民張大亦時  
常販米在伊店內存放等語奸商販運米石前赴  
天津沿河售賣恐有回漕情弊除拏獲之苗二等

犯已交刑部審訊外著嵩年即派員將苗興柴殿  
魁張大利恒斗局沈姓按名拏獲訊問伊等運米  
至津多至一千餘石究係作何售賣訊明大槩供  
情一面具奏一面將該犯等解京交刑部歸案審  
辦將此傳諭知之欽此遵即派員查拏據天津遊  
擊李崑鹽知事侯鑄先將利恒斗局沈姓即利

亨斗局沈廷藻獲案苗興柴殿魁先期在逃經  
天津分司彭良敬向各該犯親屬究出蹤跡派  
遊擊李崑知事侯鑄赴三河縣荒庄將苗興拏  
獲於十二日解案又差幹役赴寶坻縣大口屯  
將柴殿魁拏獲於十六日解案惟張大一犯籍  
隸武清不知年貌住址誠恐妄拏無辜呈請刑

部片覆訊據蘭八供明張大年貌住武清縣城  
內隨派知事侯鑄前往拏獲張大即張幃安於  
十九日解案拏親提各犯督同運司陳文駿分  
司運同彭良啟隔別訊問據苗興供稱該犯係  
天津縣周莊人現年二十五歲平日在采育青  
雲店等處販賣襍糧常到馬駒橋蘭八店中住  
宿見有左安門內永興糧店夥計屈姓永義糧  
店夥計王姓陸續運米寄放蘭八店內該犯向  
伊買過幾次細白米拉到天津賣與利亨斗局  
屬寔二月二十九日該犯聽見兄弟苗二被官  
人拏解心中害怕避到三河縣荒莊韓姓店中  
被獲到案等語訊據柴殿魁供稱該犯係天津

縣常莊人現年二十二歲趕驢馱子為生本年  
二月二十七日在蘭八店內買白梭米三口袋  
上年十二月內還買過幾口袋細白米駝回家  
中轉賣與利亨斗局屬寔苗二是該犯姊夫該  
犯聞知苗二被拏避往寶坻縣大口屯翟姓家  
中被拏到案等語訊據斗局沈姓即沈廷藻供  
稱該犯現年六十五歲住天津縣陳家溝地方  
於嘉慶七年間開設斗局發賣襍糧店號利亨  
該犯有小船兩隻向在西河及南運河泊頭一  
帶收買襍糧又於豐潤玉田等處收買粳米載  
到店中轉發各小糧食店並零星賣與民間食  
用該犯與苗興交易已四五年自去年十一月



起收買各路粳米六百餘石內由苗興販來一  
百四十石柴殿魁販來五石六斗有零逐日俱  
已賣完現在無存寔係隨買隨賣並無囤積等  
語訊據張大即張幗安供稱該犯係山西汾陽  
縣人現年二十七歲居住武清縣城內多年平  
日種地二月內進京置買零星物件始與馬駒  
橋蘭八認識二十七日在伊店內見有白老米  
白稜米價賤想買十幾口袋因無驢駝並未付  
價二十八日回家三月十七日到東安縣替人  
家送信聽聞委員傳喚趕回投案據供與苗興  
柴殿魁均不認識並未販過米石有蘭八可以  
質對等語竊恐該犯等寔有回漕情弊復向沈

廷藻等反覆究詰堅供如前矢口不移或係恃  
無質證匿不供吐亦未可定相應遵

旨將苗興柴殿魁沈姓即沈廷藻張大即張愜安等  
四犯委員解京交刑部歸案審訊以成信讞所  
有訊取大槩供情理合恭摺覆

奏伏乞

皇上睿鑒謹

奏

等因於嘉慶二十三年三月二十日差家人吉  
靈阿賚赴

圓明園於二十二日恭遞二十四日賚回奉到

硃批刑部知道欽此

黃面黃裡

請

皇上聖躬萬安

天津巡漕御史努和精額長蘆鹽政努高年跪

嘉慶二十三年四月初九日巡漕御史和

差外委高雲龍賚赴

圓明園於十一日恭遞十三日賚回奉到

硃批朕安欽此

白摺

奏為甘霖續霈恭摺

奏報仰祈

聖鑒事竊照天津地方自上月初三四等日得雨四

寸後晴霽已經月餘正盼甘霖續霈茲於初八

日亥時起濃陰密布甘雨渥霽至初九日卯時

天津巡漕御史奴才和精額長蘆鹽政督萬年跪

止入土四寸據天津府知府李蕃具報差查四  
野一律均霑現當二麥吐莠結穗之際得此時  
雨滋培籽粒可期飽綻察看雲氣濃厚霑被自  
必寬遠運河水勢漸長於漕運農田大有裨益  
民情歡慶洵足仰慰

聖懷謹合詞恭摺

奏報再鎮臣李東山現在駐劄安陵督催南糧未  
及會銜合併聲明伏乞

皇上睿鑒謹

奏

等因於嘉慶二十三年四月初九日巡漕御史

和 差外委高雲龍賚赴

圓明園於十一日恭遞十三日賚回奉到

硃批另有旨欽此

黃面黃裡

請

皇上聖躬萬安

祭嵩年跪

嘉慶二十三年四月十二日差家人重陽賚赴

圓明園於十四日恭遞十六日賚回奉到

硃批朕安欽此

白摺

奏為欽奉

諭旨恭摺覆

奏仰祈

聖鑒事竊奴才於本月十二日承准兵部火票遞到軍

機大臣傳諭內開嘉慶二十三年四月十一日

奴才  
嵩年  
跪

奉

上諭據和精額等奏天津地方於初八日亥時起得  
雨至初九日卯時止入土四寸等語京城初八日  
酉初三刻有暴風自東南來俄頃之間塵霾四塞  
室中燃燭始能辨色移時雷雨交作入土不過一  
寸天津距京不遠初八日亥時以前是否亦有風  
霾之異其風自何方來其象何若著嵩年即行據  
實具奏不可諱飾將此諭令知之欽此傳諭到  
伏查竚於本月初六日前往海下查催海口疊  
道新城河渠等項工程初八日由葛沽回至天  
津是日南風頗大氣候甚熱雖有浮土不至塵  
霾四塞室中明亮並未燃燭自亥初起北風大



作南風頓息隨即得雨勢甚霽霈南房北面窓  
紙破濕自宵達旦並無雷聲至初九日卯正雨  
止風息此係寔在情形竊不敢稍事諱飾理合  
據寔恭摺覆

奏伏乞

皇上睿鑒謹

奏

等因於嘉慶二十三年四月十二日差家人重  
陽賚赴

圓明園於十四日恭遞十六日賚回奉到

硃批知道了欽此

黃面黃裡

請

皇上聖躬萬安

天津巡漕御史努和精額長盧茲改努萬年跪

嘉慶二十三年四月二十二日巡漕御史和  
差外委周德陞骨赴

圓明園於二十四日恭遞二十六日賚回奉到  
硃批朕安欽此

白摺

奏為霽雨優霑恭摺

奏報仰祈

天津巡漕御史<sup>等</sup>和精額長蘆鹽政<sup>等</sup>萬年跪

聖鑒事竊照天津地方自本月初八初九等日得雨  
四寸後續於十六日得有微雨寸許連日風多  
地燥正盼續霑甘膏茲於本月二十一日丑時

起濃陰四合雷雨交作疎密相間至午時止入  
土四寸據署天津縣知縣賈懋功具報差查各  
鄉一律普被現當二麥結穗升漿之時得此甘  
雨滋培籽粒自更能飽察看雲氣濃厚霑被必  
然寬遠運河水勢增長於農田漕運均有裨益  
民情極為歡欣堪以仰慰

聖懷謹合詞恭摺

奏報伏乞

皇上睿鑒再鎮臣李東山現駐安陵催備糧船未及

會銜合併聲明謹

奏

等因於嘉慶二十三年四月二十二日巡漕御

史和 差外委周德陞賚赴

圓明園於二十四日恭遞二十六日賚回奉到

硃批知道了欽此

黃面黃裡

努嵩年跪

請

皇上聖躬萬安

嘉慶二十三年四月二十四日差家人趙溶賚  
赴

圓明園於二十六日恭遞二十八日賚回奉到  
硃批朕安欽此

白摺

努嵩年跪

奏為恭報徵收關稅錢糧統計正額盈餘各數目  
儘收儘解仰祈

聖鑒事竊照關稅一年期滿例應將徵收過錢糧數

日恭摺

奏報努管理天津關自嘉慶二十二年四月十八

日起至二十三年四月十七日止一年期滿通  
共徵收稅料銀八萬三千一百一兩二錢五分  
三釐內應解戶部正額銀四萬四百六十四兩  
銅斤水脚銀七千六百九十二兩三錢一分三  
釐又應解部科飯銀並支銷各項經費等銀一  
萬四千五十兩七分寔收盈餘銀二萬八百九

十四兩八錢七分較比

欽定盈餘銀二萬兩計多收銀八百九十四兩八錢  
七分除照例報明戶部儘收儘解並另疏具

題外理合恭摺

奏報伏乞

皇上睿鑒謹

奏

等因於嘉慶二十三年四月二十四日差家人  
趙溶賚赴

圓明園於二十六日恭遞二十八日賚回奉到

硃批戶部知道欽此

白摺

努嵩年跪

奏為

奏明事竊照天津關稅課除應解戶部正額銅斤  
盈餘等項銀兩之外尚有應解內務府額外盈  
餘一項向係另摺

奏交今自嘉慶二十二年四月十八日起至二十



三年四月十七日止一年期滿共收額外盈餘  
銀一萬二千三百六十四兩五錢八分謹循例  
奏明解交內務府查收伏乞

皇上睿鑒謹

奏

隨前摺奉到

硃批知道了欽此

黃面黃裡

請

皇上聖躬萬安

天津巡漕御史奴才和精額長盧燕政奴才高年跪

嘉慶二十三年四月二十四日巡漕御史和

差外委費兆熊賚赴

圓明園於二十六日恭遞二十八日賚回奉到  
硃批朕安欽此

白摺

奏為甘霖大霑農田深透恭摺

奏報仰祈

聖鑒事竊照天津地方於本月二十一日得雨四寸

業經奴等恭摺具

奏在案連日雲氣往來仍有雨意茲於本月二十

天津巡漕御史和精額長蘆鹽政奴等萬年跪

三日子正起濃陰四合大霈甘霖自宵達旦傾  
注淋漓至酉時止入土深透據署天津縣知縣  
賈懋功具報差查各鄉一律普被節氣未交芒  
種得此透雨霑足不獨二麥籽粒飽饒且可播  
種大田秋成有望察看雨勢綿長霑被必然寬  
遠沿途運河水勢據報加長糧艘得以暢行此

皆仰賴

聖主念切民依至誠感召民情仰戴

皇仁莫不歡呼稱慶洵足仰慰

聖懷所有得雨深透情形謹合詞恭摺

奏報再鎮臣李東山現在駐劄安陵催趲南糧未  
及會銜合併陳明伏乞

皇上睿鑒謹

奏

等因於嘉慶二十三年四月二十四日巡漕御

史和 差外委費兆熊賚赴

圓明園於二十六日恭遞二十八日賚回奉到

硃批欣慰覽之欽此

苗面黃裡

請

皇上聖躬萬安

祭嵩年跪

嘉慶二十三年五月初四日差家人吉靈阿骨

赴

圓明園於初六日恭進初八日賞回奉到

硃批朕安欽此

白摺

奏為遵

奴才嵩年跪

旨確實查明海口風潮未致成災無需撫卹恭摺覆

奏仰祈

聖鑒事竊奴才於本月初一日承准兵部遞到軍機大

臣傳諭內開嘉慶二十三年四月三十日奉

上諭據方受疇奏本月初八日天津海口一帶風潮甚大戰船被海潮冲擱岸上並網船米船損壞數隻淹斃水手數人工匠窩鋪冲去六七座灰料被冲礮臺地基搶護無虞南北兩岸攔潮土埝均被冲開現已派員詳查妥辦並查岸上居民有無吹壞房屋一體認真撫卹等語前因本月初八日風

霾之異降旨令嵩年查明天津是否亦有風霾據實具奏旋據該鹽政奏稱是日由葛沽回至天津南風頗大雖有浮土不至塵霾四塞室中明亮亥初後北風大作雨勢霏霏等語天津城內初八日雖無風霾該處海口有此風潮損傷人口船隻鹽政本有奏事之責即未經降旨詢問亦應奏聞况



曾查詢在先何以隱匿不奏即或發摺時不知亦  
應續奏若竟不知此事豈非土偶乎嵩年著傳旨  
申飭該鹽政接奉諭旨即親往海口一帶確實查  
明究竟淹斃人口幾名礮臺船隻情形若何應作  
何撫卹之處即行據實具奏妥協辦理不可再有  
諱飾致干重咎將此傳諭知之欽此傳諭到粵跪

讀之下不勝惶悚感惕之至伏查粵於四月十  
二日奉到

諭旨飭查初八日天津風雨情形彼時尚未據海口  
地方報有風潮之事是以未經奏及嗣於十五  
日據運司陳文駿面稟接據海防同知彭大儼  
稟報初八日海口風潮情形內中述及鹽灘被

冲該同知亦具稟到。努當囑運司飭委豐財場  
大使汪叔查覆。四月初八日風汛較大。海潮驟  
長。鹽灘進水較多者。實止二十四副。且係旋浸旋  
消。並無損壞。現在產鹽甚旺。等語。並據天津府  
知府李蕃署知縣賈懋功面稟。是日海口風潮  
有米船二隻。擱淺。捕魚船隻淹斃網戶二名。倒  
塌空閒土房一十五間。經該府縣先後親往履  
勘。捐給錢文。稟報總督。在案。等語。努因其情形  
未致成災。是以未經續行具

奏實屬疎忽。令蒙

聖主矜全。僅予傳

旨申飭

鴻慈逾格感悚難名嗣後惟有遇事倍加詳慎留心

仰副

誥誠諄諄至意拏接奉

諭旨後遵即於初一日前往海口初二日早面晤水

師鎮臣許松年詢知四月初八日風大潮旺致

將第五第六兩號戰船撇淺候至十八日大潮

始得放下深水驗明並無傷損此外人船有無

損傷曾經府縣查勘等語拏隨詢問該府李蕃

口稱據地方王萬成供四月初八日晚間起風

魚船張四因收網忙促失足落水淹斃船隻未

壞傳問張四之母張陳氏所供相符又據鄭二

之妻鄭張氏供該氏之夫鄭二駕船出海捕魚

傳聞於四月初八日船隻被風鄭二落水淹斃  
不知屍所又船戶曾萬盛韓溥之米船二隻在  
劉家河地方擱淺其地距海口二十餘里該船  
戶起卸糧石稍有潮濕人船未傷旋即隨潮開  
行又東沽西沽東梁子等處沿河有閒空土房  
共一十五間內住居民先期避水搬出續經倒  
塌並未傷損什物各等語  
督復親至南岸礮臺  
勘驗土埝周遭完整埝內地土乾燥臺腳亦無  
浸水痕跡又渡過海河至北岸礮臺基趾察看  
土埝亦無沖損缺口窩鋪四座詢明因被風雨  
淋塌近日甫經搭蓋查問沖失灰料若干據該  
同知彭大儼口稱逐日使用並無確數等語此

係查看實在情形 竊伏念

聖主軫切民依誠恐一夫失所特

降旨查詢如果地方實被災稜固不可稍存諱匿倘  
並未成災亦不可任情虛捏今天津海口雖被  
風潮實在未致成災所有淹斃之張四鄭二家  
屬已經該縣各捐給錢四千文倒塌間空土房

之民戶王泌等亦經該縣各捐給錢二千文其  
餘兵民灶戶船戶人等俱極寧謐似可無需撫  
卹 竊受

恩深重斷不敢稍有諱飾自干重咎所有遵  
旨確實查明情形理合恭摺覆

奏伏乞

皇上睿鑒謹

奏

等因於嘉慶二十三年五月初四日差家人吉  
靈阿賚赴

圓明園於初六日恭遞初八日賚回奉到

硃批知道了欽此

白片

再據長蘆運司陳文駿面稟據署滄州分司運  
判孫豐錫詳報海豐場於四月初八日晚間海  
潮大漲灘副溝池圈埝並護灘土堤一槩湧平  
勢難修整等情當經飭委候補運判沈蓮生前  
往查勘等語又據山東運司福珠隆阿稟據永  
利場大使張愷官臺場大使龔文灝稟報四月

初八初九等日各該場因風挾雷雨海潮驟至  
永利場興晒灘地六十一副官臺場所管灘地  
二百七十餘副全行淹沒守灘土屋亦有坍塌  
先經該運司飭委濱樂分司督同縣場各官履  
勘續據稟報該運司親往勘辦並准撫臣陳預  
咨會前來等詳加體察是日沿海風潮山東較

硃批

重直隸較輕自係地勢所處有上下風之別是  
以情形輕重不同除已先後飭令長蘆山東運  
司速即確切查勘是否成災照例妥議詳報核  
辦外理合附片奏

聞伏乞

皇上睿鑒謹



奏

隨前摺奉到

硃批覽欽此

